

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za komunalne djelatnosti, vode i zaštitu okoliša

Broj: 04/1-23-3781-1/20

Bihać, 22.09.2020. godine

Na osnovu člana 24. Zakona o cestovnom prijevozu Federacije Bosne i Hercegovine („Službene novine FBiH“, br. 28/06 i 2/10), člana 5. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine FBiH br: 79/13, 91/14, 98/14 i 84/15) i rješenja Gradonačelnika, broj: 04/1-23-3781/20 od 16.09.2020. godine, Gradonačelnik Bihaća, putem Službe za komunalne djelatnosti, vode i zaštitu okoliša

OBAVJEŠTAVA ZAINTERESIRANE PRIJEVOZNIKE

I

Pokreće se postupak odobravanja redova vožnje za linijski prijevoz putnika na gradskim autobusnim linijama na području grada Bihaća za 2020.godinu, a zbog potrebe povezivanja linijama javnog linijskog prijevoza naselja i gradskog centra, i to:

1. za relaciju Bihać - Čavnik
2. za relaciju Bihać – Ružica - Vinica - Čelebići (okretnica)
3. za relaciju Bihać - Golubić
4. za relaciju Bihać - Vedro Polje
5. za relaciju Bihać – Žegar - Skočaj
6. za relaciju Bihać – Veliko Založje (škola).

Odobreni i registrirani redovi vožnje bit će upisani u Registar redova vožnje na gradskim autobusnim linijama za period 2019/2022 godina.

II

Pozivaju se zainteresirani prijevoznici koji žele predložiti red vožnje za postupak odobravanja gradskih autobusnih redova vožnje, da podnesu zahtjev za odobravanje reda vožnje i dostave propisanu dokumentaciju za postupak odobravanja.

III

Uz zahtjev za odobravanje reda vožnje, prijevoznik je obavezan dostaviti:

- a) Red vožnje kojim učestvuje na postupku odobravanja i to:
- u pisanom obliku (dva primjerka) potpisano i ovjereno od strane svih prijevoznika upisanih na red vožnje i
 - u elektronskom obliku na računarskom programu za obradu tabela, excelu, snimljenom na USB stiku.

Uz svaki red vožnje obavezno se dostavlja i elaborat o opravdanosti prijedloga reda vožnje, koji je napravljen na osnovu provedenog istraživanja tržišta.

b) Dokaze za učešće prijevoznika na postupku odobravanja gradskih redova vožnje iz člana 11. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra ("Službene novine Federacije BiH", broj: 79/13, 91/14, 98/14 i 84/15) (u daljem tekstu: Pravilnik), od kojih svaki prijevoznik upisan na red vožnje obavezno dostavlja:

- 1) Rješenje o upisu poslovnog subjekta u sudski registar sa spiskom registrovanih djelatnosti, koje ne može biti starije od 30 dana od dana objave ovog oglasa u „Službenom glasniku Grada Bihaća“,
- 2) Uvjerenje o poreskoj registraciji (ID broj) i Uvjerenje o registraciji obveznika poreza na dodatnu vrijednost (PDV broj),
- 3) Potvrdu/uvjerenje o ispunjavanju obaveza u pogledu plaćanja javnih prihoda izdanu od strane nadležne poreske uprave ili potpisan Sporazum o plaćanju pristiglih obaveza na rate i Potvrdu da se isti redovno izmiruje, ne starije od 90 dana od dana objave ovog oglasa u „Službenom glasniku Grada Bihaća“
- 4) Spisak uposlenih vozača ovjeren od strane Federalnog zavoda za penzijsko i invalidsko osiguranje, ne stariji od 30 dana od dana objave ovog oglasa u „Službenom glasniku Grada Bihaća“,
- 5) Ovjerenu kopiju važećeg rješenja o ispunjavanju tehničko-eksploatacionih uslova za sve autobuse koje posjeduje u vlasništvu,
- 6) Ovjerenu kopiju zaključenog ugovora o osiguranju putnika od posljedica nesretnog slučaja ili potvrdu osiguravajuće kuće da je taj ugovor zaključen ili ovjerenu kopiju zaključene police osiguranja za pojedinačno vozilo-autobus,
- 7) Za red vožnje koji će se održavati u kooperaciji prijevoznik je dužan dostaviti Ugovor o kooperaciji koji, pored drugih elemenata ugovora, obavezno sadrži sljedeće elemente: režim zajedničkog održavanja linije od strane kooperanata, spisak polazaka i povrataka koje održava pojedini prijevoznik i u kojem periodu, način sticanja i raspodjele dobiti između kooperanata, način formiranja cijene prijevoza i druge elemente. Ugovor mora biti potpisan i ovjeren od strane svih kooperanata koji su upisani na red vožnje i od organa nadležnog za ovjeru dokumenata i smatra se sastavnim dijelom predmetnog reda vožnje. Uplata naknade za odobravanje kooperantskog reda vožnje vrši se na gore navedeni način, a može je izvršiti jedan od prijevoznika ili solidarno više prijevoznika,

8) Popunjen spisak registrovanih redova vožnje (Prilog 4. Pravilnika) ovjeren kod nadležnog organa za ovjeru dokumenata,

9) Dokaz o uplati naknade za troškove postupka odobravanja, ovjeren od strane banke i priložen uz svaki red vožnje, iz kojeg je vidljiva uplata za svaki polazak, odnosno povratak. Ukoliko ima više redova vožnje, prijevoznik može jednom uplatnicom uplatiti za sve polaske i povratke, s tim da na posebnom listu sačini i ovjeri spisak svih polazaka i povrataka na koje se uplata odnosi. Visina uplate mora biti u skladu sa Rješenjem Gradonačelnika o pokretanju postupka odobravanja i registracije redova vožnje na gradskim autobusnim linijama na području grada Bihaća za 2020.godinu, broj: 04/1-23-3781/20 od 16.09.2020. godine, i to:

-100,00 KM za svaki predloženi polazak, odnosno svaki predloženi povratak u novom redu vožnje

- 80,00 KM za svaki predloženi polazak, odnosno svaki predloženi povratak u starom redu vožnje sa promjenom.

Uplata naknade za postupak odobravanja vrši se na Depozitni račun Grada Bihaća, broj 3385002200163231, otvoren kod UniCredit Bank dd, Poslovnica u Bihaću, Budžetska organizacija 0000000, vrsta prihoda 722121, poziv na broj 0000000000.

IV

Prijedlozi redova vožnje koji se dostavljaju na postupak odobravanja moraju biti urađeni na propisanim obrascima i u skladu sa odredbama Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine FBiH br: 79/13, 91/14, 98/14 i 84/15), te usaglašeni sa Pravilnikom o načinu, kriterijima i postupku za određivanje daljinara i minimalnih vremena vožnje (Službene novine FBiH“, br: 65/07, 33/11, 57/12, 65/12, 88/13, 91/14 i 32/18) i važećim Daljinarom i minimalnim vremenima vožnje za autobusne linije u Federaciji BiH (područje Unsko-sanskog kantona, mjesto Bihać).

V

Služba za komunalne djelatnosti, vode i zaštitu okoliša će za sve prijevoznike koji učestvuju na postupku odobravanja redova vožnje po službenoj dužnosti provjeriti da li prijevoznik posjeduje važeću licencu „A“ za obavljanje javnog linijskog prijevoza putnika.

VI

Zahtjev sa redovima vožnje i kompletnom dokumentacijom za postupak odobravanja dostavlja se u zatvorenoj i zapečaćenoj koverti sa obaveznom naznakom:

„POSTUPAK ODOBRAVANJA REDOVA VOŽNJE – otvara Komisija“,

lično na protokol Grada Bihaća ili putem pošte na adresu:

GRAD BIHAĆ

Komisija za odobravanje i registraciju redova vožnje

Ul. Bosanska br. 4
77 000 B i h a ć

VII

Zahtjev za odobravanje redova vožnje sa navedenom i propisanom dokumentacijom prijevoznik je dužan dostaviti najkasnije u roku od 30 dana računajući od narednog dana od dana objave ovog oglasa u „Službenom glasniku Grada Bihaća“.

VIII

Nepotpuni i neblagovremeni zahtjevi neće biti razmatrani i neće biti uvršteni u postupak odobravanja redova vožnje.

Prijevoznici potrebne informacije mogu dobiti u Službi za komunalne djelatnosti, vode i zaštitu okoliša, tel: 037/229-680, 229-675.

Obrađivač:
Elvira Hadžić

Gradonačelnik
Šuhret Fazlić